



春水遺稿詩

二

16
196
2



和16
詩196
卷2



春水遺稿卷三

皇朝不觀發民林且藝藩賴惟完千秋

襄輯校

詩三

壬寅

在藩告暇入坂取挈而西居西研屋巷宅

釋褐後省覲膝下作

七十家翁病在堂就官今日始還鄉白雲親舍俟吾
久遲日公程賜告長輿挂詩囊憐舊態捨飄號帶愧
新裝膝下即開聞喜宴團樂深慙有恩光

榮慶莊子

春水遺稿卷三

蒙叟非狂士狂言喚醒人人生甘樗散世味感車輪
併說鷓鴣分同觀天地真逍遙遊蝶是終古百花春

往浪華路上

月暗秧田潤長堤草露露微風吹不定螢火入輿簾

田子明邀諸子餞余於西照樓以潮平兩岸濶

風正一帆懸為韻拈得岸字

移將詩酒筵出祖竹裡館宿雨含新篁西暘入酒幔
君看館正面海天碧瀟漫吾將帆其間挈家度浩瀾
豈謂不黯然引杯且長嘆斯會復幾時拚醉共行行
出處雖異趣交情無涯岸論文或解頤閱世且扼腕

瓜李瑪瑙盤詩賦青玉案呼毫挑銀鐙文章五色煥
收拾充歸囊欲向鄉里散鄉里諸友侶始為錦旋看

送千秋歸官安藝

葛子琴先生

幼出竹原曲優遊茅海隅爾時猶總角甚處最扼
趨墨妙練裙幅詩神土火鑪心腸皆錦繡咳唾盡
璣珠令聞九臯鶴斯才千里駒迺翁適騰駕之子
每前驅岩壑搜遐境烟霞極勝區親懽能自奉我
僕不言痛巧紀道悠矣爭傳文煥乎筆鋒無敵國
紙價貴名都嘖嘖揚聲譽恂恂務範模低吟壓元
白大業纘程朱里是仁為美鄰終德不孤春秋甫

而立日夜詎如愚志縱教初遂家寧使後無既欣
鴈為奠更唱鳳將雛故國有名主他鄉召哲夫應
徵即解褐干祿豈吹竽一字東西季六員新舊儒
逢衣雖異坐泮水可同娛曾識仙標別奚疑寵遇
殊拔群升士伍賜告逆妻孥山驛戒輿隸江關樣
舳艫南津風鞞柳北渚雨抽蒲行李裝方就送梅
晴自湏且繫回舟纜宜傾祖酒壺蘭言人競贈蓬
首我空濡稍厭銷魂賦唯思軟脚酤滿囊何所獻
三釜實堪愉椿樹老逾茂荊花榮不枯廿年比禰
孔一旦作秦胡驥尾恨難附鷗盟恐或渝自茲浪

華浦雲樹日長吁
同前得正字
再照亭下草如茵再照亭外海如鏡萬井綺文列
其間楓丘松塢又陰映階前猩血晚花開林裡豹
文殘笋迸田君折簡祖于茲風浴兼追舞雩詠當
此勝餞者何人千秋其字賴其姓原是藝邦一逸
民夙齡東上乘文炳揮筆攀援兩司馬窮經睥睨
前後鄭本藩重儒興泮宮玉帛千里降辟命擔當
君民矜式責俱欽生平志業正片帆明日挈家歸
來期渺茫不可請朋舊惜離詩作堆盤饌罄歡爭

酒令天涯侘日相思夢必在此筵文酒盛

襄曰諸彥餞送篇什極夥以二先生詩最盡先君平昔故特附錄于此

水樓避暑

僚友相携倚水軒不唯避暑避塵喧休沐自知多暇

日一川風月是君恩

文得葛子琴書係以月夕詩因倣其體却寄

愛君巧押一字秋新詩為寫獨遊秋我曾遊寓二十

秋記得浪華大江秋杯酒遨遊不翅秋幽情最屬月

明秋御風一層樓閣秋愛日十畝丘園秋月幾望處

轉嬉秋同友相携不負秋萬頃金風罷亞秋桂花新

醕十分秋有如明月契千秋不意別來既及秋何啻
牛女隔一秋明月遂非昔時秋得君新賦倍悲秋魂
夢空圓兩地秋

偶作示諸學生

唔咿琅琅泮水秋莫將兩學作鴻溝東西雖異一其

揆名教當於心上求

時學館分為東西兩舍

癸卯

在藩正月告暇歸省竹原視亨翁君病二月
亨翁君沒八月祇後江戶杏坪隨焉先歸

示二弟

賜告家鄉暫自歸相迎喜氣滿親闈春盤新拜鯉庭
訓畫錦更裁萊舞衣厠諭勸勞知爾力晨昏定省耻

吾違團欒膝下耽情話四面梅花煖紙幃
講經臺上賜黃金新進特知恩遇深吾道汙隆誰所
任城頭初日照丹心

加納到鵝沼

以下係東後

彌望秋原路路由行樹成天高秋氣冷山盡夕陽明
不見行人影但聞驛馬聲蒼茫何處所松頂屹孤城

岐蘓雜詩

連日岐蘓峽盤回往若還城墟松樹外驛市澗流邊
危棧蹋雲度幽窓聞鹿眠偏知夢魂淨枕底有溪泉

又

溪水縈回映帶山皆為壁為屏朝暉翠樹紅樹秋色
長亭短亭驛曆知何日畢籃輿遇勝時停岐蘓我愛
幽致板屋雨聲可聽

小佛嶺觀嶽於雲際秀色可攬一行之人或不
得之見卒然成詠

踏破雲樹千萬重遙天一抹得三峯芙蓉宛然白雲
上秋色初發白芙蓉韓愈退之唐名臣衡山默禱雲
有神嗟吾小佛嶺頭立馬看維嶽露頂雪如銀峽驛
無驛不偏境境偏未必有奇景馬己玄黃僕亦痛朝

暮登降定幾嶺愛此小佛嶺嶽神慰羈情嶽而不得
覲此行是徒行

和高子彬

愛此霞關百尺樓天鷄唱罷望悠悠曙雲蒸海朱輪
上春水環城翠樹浮幾處鳴珂驅寶馬何人垂釣伴
閒鷗祇應曹舍相來往秉燭論交足夜遊

答謝岡元齡寄書問近况

天涯祇役在霞關官事紛紛心事閒詩社時求新友
侶經筵日厠舊儒班鐘聲晨濕白雲寺城影秋明紅
葉山誰知邸舍多幽致載酒論文客往還

用岡田忠卿韻似高山彥九郎

曾識帶經耕且鋤新田逃跡惜三餘秋霜春霧時攀
樹月下花陰或侍輿幾處雲林求傑士連年華洛拜
皇居相逢杯酒俱論志大丈夫當細讀書

甲辰在江戶

送弟千祺西歸

天涯豈忍別同胞送別新詩強自豪望嶽馬頭雲裊
裊觀濤筆底海滔滔秋風客裡離情切春草池頭夢
思勞行矣加餐五十驛黃花節近雁哀號

戲贈木世肅世肅東下沿途收拾奇石所儼擔

夫誤認資斧攘去己而委棄于路復爲世肅有
木生世肅癖好多癖好入骨如汝何東海之行酬宿
志五十三亭不空過行采于山取于水數拳研山各
土美墮山喬嶽巨靈巧神秀鍾在一囊裡風雨函關
付驛夫驛夫梁上君子徒君子有勇拔山力目爲厚
資負而逋探囊肘篋棄狼藉七十二峯委泥塗此物
知向何處粥世豈有如木生迂寸珠尺璧暫借人連
城無恙轉可珍摩挲拂拭不釋手青瑩紫潤新又新
嗚呼借物爲樂形瑰奇物色恐復引偷兒勸君各土
巒且岫記在君心資奇思有聲無聲君素解藏之胸

次有誰窺歸來徐出卧遊具數幘丹青數篇詩

乙巳

君年四十在江戶四月給暇歸藩八月復東

魚贈送赤崎彦禮

鶯花過眼已三春知爾天涯思老親賜告縱爲歸覲
計其如君側更無人

讀薛能遊嘉陵後溪詩

弄筆詩翁漫賦詩英雄心事詎能知莫將成敗論諸
葛細讀出師前後辭
前後雄詞二出師讀來誰不淚淋漓莫將成敗論諸
葛王佐真衷天地知

岐蘓三首 以下係西歸

路由山勢轉山色足吟瞻最愛山躑躅夾路照輿簾
潺潺又滾滾水迴路亦迴無家不剗木曲折引泉來
畏途未足畏危棧本非危至畏至危處踐履在平時
浪華中井子慶宅置酒會客餞余西歸也

五十三亭入浪華浪華於我若歸家歡娛隔歲真難
罄晤語終宵自易譁投轄交情新硯席呼杯鄉味舊
魚鰕相逢且恨還相別愁指西山日暮霞

客夜偶書 以下係東役

歲晚滄江客思濃誰知旅館三經冬淒然不睡寒燈

下聞盡三緣寺裡鐘

丙午 在江戶

旗峯先生遊松島請覽余東遊負劍錄因爲相
眎系以一詩

一千五百邈里程幾人松島按圖行瓌岩奇樹非不
美吳江楓冷或缺情洲嶼接成一山巒惟看出水碧
嶺岼安得樓臺高百尺爲佗從前畫圖看憑虛御風
何處攀自有登眺悅客顏觀瀾之亭觀一半臨瞰更
有富春山富春望遐觀瀾邈遐邈俱盡松島美八百
青羸堪可拾始識人間畫圖是是時不覺叫快哉吟

心眼界相豁開白鷗馴客如舊識萬里長風吹面來
更有舟遊遊賞新小嶼大嶼應接頻三三兩兩各極
態十五五送迎人憶予距今十餘年扶老攬勝薰
風天爲君說與曾遊事併眎負劍書一編不料君同
烟霞癖青鞋布鞵追踪跡五大島上翠松間請看題
詩在石壁

似高山仲繩

自從相見十餘年心事論來未豁然爲囑歸田力耕
讀英雄心事在陳編

和箕浦迂叔開講小學書作

非有訓蒙內外篇培根遺教竟泯然精義入神從此
始後生恐認做蹄筌

丁未 在江戶

九日

爲客霞關百尺臺秋風五見菊花開年年殊慙霜毛
老辜負家人濁酒盃

書懷

曾從西海涉波濤三載江都老二毛愛敬未衰非獸
畜叫號肯道獨賢勞天涯明月懸幽夢客裡黃花對
濁醪家兒八歲稍知字尺素殷勤問大刀

十三夜留一二友生小酌
風起江空散積陰月華如水滌塵襟此時詩思秋俱
淨坐客賞心更與深相愛交情無冷煖不論官況有
升沈俸錢兌得牀頭酒好是天香徹夜斟

偶作三首

連年歸未得祇役亦君恩陪輔効吾力賢勞不必

論

官遊三四載不識鬢毛皤愧我客心瘁春來鄉夢多
有憂誰與語退食對陳編 國儲年十五前途一杳
然

戊申

在江戶四月給暇歸藩進秩九月復東

初夏西歸路上口占十四首

石原

朝靄翳行樹蒼鬱如無路儼裝占晴光直駕薰風去

日野

芙蓉丈人似天外雪為巔遠膝諸山嶂兒孫曾且玄

甲路

未識政寬猛只看風朴淳山田少耕穫戶戶蠶為神

蘇十

山驛蠶為業無家不種桑憐看襤褸女績織為誰忙

山氣爽 岐蘓 燕來不蘇 桑榆 暮盤 對女 鸛 鷺 鷺 鷺
 岐蘓十四亭 曾魁風物淨 夜與館人談 不知有新政
 天燭 又 益 只 香 風 伴 野 山 田 少 特 蘇 文 中 盤 蘇 軒
 羈窓忽聞雨 非雨是溪聲 推枕挑燈火 鄰鷄下五更
 天 卷 又 又 天 尺 雲 爲 巖 數 翹 詰 山 軀 兒 邪 曾 且 文
 一線路威遲 行愛山色美 不見伐木人 聲在層嵐裡
 山氣爽 吾神泉聲潔 吾耳谷風梳 吾頭溪嵐沁 吾髓
 又 西 補 說 上 口 古 十 四 首
 粃麥未生穗 山田或插秧 驚看風土異 不識共登場

李落谷 下 涇 水 曾 欲
 蟪蛄聲忽噪 粃麥半將登 山水初紆緩 正知出木曾
 翠 亦 曾 宿 吉 田 孔 夷 宅
 月波留我宿 舉杯爲我壽 愧將偃鼠腹 飲君萬石酒
 藤井
 明朝是重五 兩宿野人家 點點菖蒲滴 羈窓感歲華
 瓶 亦 曾 管 禮 卿 宅 唐 去 即 日 昨 思 天 一 點
 投宿薰風夕 新醅罄幾餅 主人侑杯起 褰箔引流螢
 愛 亦 曾 別 禮 卿 畢 賦 蘇 州 西 市 朝 寒 交 雙 三 年 感 於
 官橋楊柳巷 埜店棟花邨 主人西出郭 追餞盡餘樽

會醉浪華次韻藤田九郎送詩西出碑鼓
愛君鷄黍要停車浪速城西市隱家交契三年憑候
雁歸心幾度見秋瓜杜鵑夜叫旗亭月匹馬晨嘶驛
路花晤言宜罄餘歡去明日相思天一涯

即暉夏六月十日管禮卿携藤井士晦至有詩次韻

志喜

庭陰既夜見流螢懷抱相傾酒幾餅投我詩囊新紫
翠示君齋壁古丹青燈前細雨鳴蛙近檐角輕颺穉
竹馨自喜三年化離後山林舊話對窓櫺

季秋東下取木曾路

以下係東役

楚性忽就官掣肘何可耐獨有此于役還恣山水愛
秋風十餘州水碧又山黛緣海經山陽度湖出畿內
十亭岐蘇溪星言駕曉靄絳葉雜松樹澗溪晃滲績
眺賞日云暮村近聞犬吠孤燈投山驛引泉供盥醜
秋葦不知名村醜對沆漭誰知官遊身乃領此勝槩
山水長者印刻以為吾佩

牽牛花

牽牛滋蔓映窓紗開落人間撫歲華勿怪先生眠起
早朝朝裊露看新花

己酉

為寬政元年在江戶

三月十八日春秋書院爲土佐國君講說魯論
早暉五美四惡章講後賦此應命

吾君識吾學淺陋負虛名豈圖彼南伯來要吾講
經騶從遠自枉霞關與君迎疑懼上講席欽古陳
典刑微旨雖未析學統既所明非自心上得安致三
代美爲政本在躬足以福生靈惟學之所急當辨渭
與涇吾本藝東民釋褐誤儒生今爲公侯說未知辱
與榮揣摩非我術瞽言獻微誠

送赤崎彥禮從其藩侯入封

書劍去國萬里賒赤心奉君不憶家家有倚門人垂

白愛護穉孫送年華繞堂萱草綠離離倚門之憂無
忘期子規枕上時驚夢夢迎兒歸覺後疑賢勞在東
幾春暉日夜豈不戀慈闈嘗侍儲君講且讀成君今
日從君歸草木生光氣色分已見英名天下聞儻問
獻親有何物爲指堂堂有斯君

數

岡山石原長太郎索詠

萬物由靜生萬物由動成河洛非粗迹宜觀天地情
春暉十五夜無月

去年三五弟將兄鱸膾蓴羹對月明奚計今年復爲
客一夜南樓聽雨聲

看梅

自別梅花已幾春江南千里夢空親一枝今向壁間
看癯影冰魂遇故人

庚戌

在江戶四月給暇歸藩八月移居杉巷
賜第九月復東

春初得管禮卿書搦菊花併寄賦此却寄謝

不唯書札問平安巧搦黃花寄夕餐泛酒實堪留客
醉披緘宛翹與君歡曾封秋色香猶膩已帶春風露
未乾領得南山吟望趣天涯更付故人看

觀

國學釋奠恭賦

杲杲初陽照彩旂香烟颺處入宮垣滿堂笙管升平
象萬國蘋蘩聖德尊吾道詩書貫今古斯文日月照
乾坤誰言講學人分派安識淳和政一門

送人歸彥根

東風一路送征驂水驛山關五十三好去琵琶春欲
老杜鵑呼處柳參參

擊狼行

并引

記信州孝子拯父事也縣令大貫光豐狀聞
官旌賞賜銀二十枚且取其皮以藏余亦獲

親覩之顯贈二十外且其其以錄合亦難
勇將可擒旌可奪臨敵挫銳又摧堅食君之祿從君
事一時功成未必賢君不見信州肉山一郵童擊殺
猛獸拯乃翁其年十一其名龜膽氣知因孝誠雄山
田守稼暮色催奚圖狂狼攫父來兒奮揮鎌欲裂口
無奈銜刃又自摧更倒父鎌攔尺餘搯胡插喉尚躍
如指扶雙眼石碎牙殪得扶父歸田廬白金 旌典
美名馳一童子事天下知聞說縣令行縣日到處
憇坐其皮

果果春日同旗峯東蒙上愛宕山

山在旗峯屋上

登山試脚宕丘巔非趁春遊學少年如豆行人臨鳥
背似棋市井到天邊紅燉燒海舟帆見翠樹籠城睥
睨懸咫尺誰知仙路在相携好入白雲眠

路上口占七首

以下係西歸

函關九折阪路險心自平僚友相携伴坦坦踏雲行
驛夫能從令頤指如家人見得維新政無人不自新
行聞楚人語麥秋大有年宜償數年歉一斗百文錢
麩麥半登場水田欲分秧縱我行役急何如農事忙
大井始開渡爭先人喧歷馮河賈餘勇直截洪流來
馬隸知越公扛夫誦越公教我且養我何問年凶豐

湖田百千頃井井似棋枰未識秋穫日豐歉各輸贏
岳父義齋老人故居

盧橘陰深漏夕陽荒庭弔影獨彷徨讀書幃寂人何
在四壁唯聞遺墨香

懋平紀宗幽暢園

幽人迎馬首相引入園池隱趣青松長交情白髮知
微官愧吾絆佳境羨君嬉出處今雖異晤言不復疑
得黑瀨子孝書審其近况賦此謝答

近聞東事美學政亦一新譬之大陽上四柱熄鬼燐
時乎各勉旃講學誰厭諄說不及濂洛安知吾道真

聞君新奉命講讀賜坐頻吾公勵政理崇學稱大
醇於世子方勉學既辨駁與純左右薛居州保傅泄
與申君持直繩心事數面陳吾將膚淺學侍講已
幾春休假歸千里臨行意遂巡愛君枉書札使吾安
心神一暴又一暴十寒未足顰嘉納在吾誠勿辭言
閭閻

庚戌五月五日宿岡山逆旅主人爲余稱說倉
敷邑宰管谷君理狀且示詩二首即宰述懷之
豈言作西山士雅和之也余亦私次其韻以紀事云
良宰卧治日芹曝人爭獻心懷濟世畧不啻事薄斂

捷市身自任使人獲分願牛刀揮餘地絃歌有仁聞
豈言蕞爾理足以及億萬自有舉措宜大小一刑憲
既得豬豕旨細目未必換靡然人革面蒞邑一歲半
輪奐不自安欲毀舊公館毀之民猶勞或謂仍舊貫
不毀亦遺害書懷問沮勸諮諏就有道舉事必畏難
決起遂毀之凜有馮河斷

述懷

原韻

菅谷君

長昌

昔者魯公族死謚之曰獻聰明相其君不畜夫聚
斂重勞不毀室美觀非所願宋客猶異焉以為損
聲聞盛哉舊令尹為縣總十萬兩衙分掾屬三載

東布法憲身殲勤政煩文物又隨換尾大不可掉節
制乃割半今我行能蠢爾來居館夏屋遺構虛
甫豐蔀仍舊貫早勉明令出用儉使民勸如何民亦
勞歲屬玄冥難毀諸將已乎三思不能斷
昔讀某明府述懷之作猥賡高韻奉答盛意第恐
東豈不免出位之誚
西山拙齋先生
仰惟維新政更張徵文獻交泰運方還姦回跡已
斂三都暨四方黎庶咸適願千里膏澤徧豈唯飲
仁聞寰宇益阜繁霑化幾億萬安分勿視上
烈祖垂成憲雖有奢僭徒孰敢為畔換况今神明

宰勤政至夜半昭儉懲豐侈側身坐華館欲毀憚
重勞忠誠金石貫摘藻詢芻蕘誰沮又誰勸盍體
公上仁為民排後難時手不可失機會在英斷

以下係東後

東道連年幾往還名山處處拜孱顏四面削成無面
背始知天下更無山
祈得天晴維嶽靈寸雲無翳露全形宛如端士端章
甫正笏儼然立殿庭

路山口占

東海五十三驛懸秋風跋涉幾山川馬夫輿卒從新

令不向行人丐半錢

辛亥 在江戶獲疾十月給暇歸藩

彥禮至

客至乘官暇披襟似有期吾交曾自許狂語不相疑
獨鶴掠長海群禽爭一枝悠然極遐矚夕照沒春陂

得家書志喜 二弟並獲男

去年得阿買今年得阿龜吁我二弟者吉夢兆熊羆
吾願阿買夙識字阿龜十歲解賦詩休笑痴伯大早
計滿懷喜氣不自持昏明壽夭是天也只願鞠育得
其宜聯翩自相為兄弟各幹父蠱汝是資不啻不負

汝桑蓬當知痴伯有所期家兒十餘僅作字時叙家
慶報父知遙祝一庭紫荊樹行看兩長又露滋

遙悼湖上平紀宗

并引

庚戌之冬余在江都邸舍平紀宗訃至旅况
倍悽然倏再閱月乃遣僕弔其家人紀宗嘗
囑余以校正其詩草因將終挂劍之義情見

乎詩十八韻

嗟君歸隱日我住浪華城風月文章飲煙波鷗鷺盟

樵漁謀活計恬澹樂餘生卜地鄰仙窟

宅在逢坂與
蟬丸祠近

開園隔帝京

園曰
幽暢

窮曠花外逕聽雪竹間聲

園有名
勝四方

名士寄題又野服遂初志溪町供自耕驅烟迴俗駕
或來過賞之

引水濯塵纓宰肉才空老餐霞摻益貞詩多過朴實

語自寫生平金石慎交契蓼莪申孝誠吾雖出就仕

余歸仕本土
已十年矣

尚自不渝情每向關東後輒於湖畔迎

紀宗必拉友數人迎
大津草津而勞之

驛燈晨話舊旅食夜分羹萍合

歡亡恙蓬飛恨有程別來書始斷夢後淚先橫果得

訃音至頓令心骨驚笑言恍在目詞賦獨留名欲取

遺文去天涯命僕征

服翁持畫山水求詩似是桃源圖而不必然因

憶五家山事賦此題之

層巒夾水水彎環莫是西海五家山曾聞當日溪流
漲誤泛飯斗出人間何人一棹求水源烟嵐深處簇
一村平門遺族護舊物肥遯占得別乾坤落花芳草
度幾春自謂壽永以上人鎌臺室府織且豐霸國爭
雄幾回新畢竟箕箒不移動土是王土民王民豈比
異姓更起國有人桃源深避秦

西上至大坂會古賀淳風東後來此平壽王置
酒招飲淳風及余竹山父子篠安道輩亦至分

韻得年字

客自西東至相遭豈偶然故人曾下榻舊社復開筵

橘柚斜陽外

壽王庭砌有橘名種也

雁鴻殘雨邊莫嗔當酒嘆

一夢憶青年

題應舉畫狗

獨子何其慧梵然夜自磨能迎雪訪客不吠月敲僧

壬子

三月告暇浴美作溫泉疾瘥八月復東役

新鷺似兒襄

出谷新鷺聽始竒遷喬汝欲向誰期好音縱被凡禽
妒嬌舌休為俗耳嬉著雨柳陰飛未遠催花枕上喚
何遲回頭岑蔚須知止何必上林求一枝

偶作

在城如在野茅屋傍脩篁夜雨莓苔逕晨暉薜荔墻
狂花無蝶識迸筍任人攘誰計幽深境朝參意外忙
春盡過尾路題草香生鳳尾蕉軒以下三首係遊作州詩
芳樽今夜有盟尋廿載交情感慨深不管人間紅事
盡鐵蕉無恙歲寒心

河相保之松風館同管禮卿賦

長松之下故人家鳴玉溪流不覺譁傳杯更愛幽香
度屋角微風橘柚花

宿三永藤伯恭宅

山庭連榻夜無蚊話舊飄然出世氛請看別後添霜

鬢官事紛紛說與君

以下係東後

夕靄橫山郭吟行欲何依整橋僧影小遠笛牧牛歸

不冷又事向人野想本世文未必與此

東海依然不二山仰看映日雪麕斑尋思二十年前

事植杖家翁怡老顏

入都日謝園丁松六

五十三亭客路賒霞關稅駕若歸家一區官舍寸金

地待我曾栽黃菊花

探梅恭和開世子尊韻

探梅自有暗香聞滿目
皚皚路不分認得江南一番
信雪花深處遇東君

正癸丑 在江戶十月歸藩

觀群馬碑本作

神龜碑碣崇三尺埋沒上毛民
舍陰滿面文辭存隸法數家社約見
婆心土風當日猶堪思古物千年誰
不欽好事何人得紙本斯文未必嘆消沈

春初得禮卿書

夢寐逢吾友寤嘆在天涯扣戶人致書
深寫長相思尺素報平安副以春一枝
庶不負平昔夢魁足心知

送赤寄彥禮還薩兼請其過藝見家兒襄

客地送人鄉思多山陽紫海幾關河
阿戎十四留看舍未足玄談君且過

采芝詞為穴戶侯

白馬臺西高田墅侯携世子此遊行
琪樹林間玉芝出世子采采得七莖
君不見政理原自孝慈成維孝維慈得
斯禎寶幹齊秀黑珊瑚靈葩並照紫金
英寶幹靈葩不必說美政故當休徵發
天降嘉瑞何有涯朝野知出幾人傑

箱根 以下係西歸

函關松檜鬱一路與溪回忽聽喧豨甚村人獲鹿來

薩埵嶺

日出海光遠雲開嶽色雄我吟太冲句把酒坐長風

宿濱松

投宿寒雨嗚呼枕夢未就三更僕相呼天晴月如晝

謝浪華藤田某

征驂暫駐浪華城想得并州當日情多謝故人諳食

性寸葱併勸鼈裙羹

湊河

當此小春候如何雨若霧栖栖行旅客拜過楠公墓

播路

如何收穫節連日雨滂沱低田水沒脛其如堅好何

得草香孟慎書却寄

歲月崢嶸節物催一封書信問安來故人幽趣知亡

恙留客晴檐基賭梅

偶作

梧竹叢邊一小櫬攤書千里憶青宮分明連夜三

更夢前席燈前示課功

春水遺稿卷三終

春水遺稿卷三

更楚南歌登原示藉以

詩竹葉數一小謝繼書千里謝 青宮公即數亦三

秋野非

差留客詞詩甚韻詩

謝氏制和詩詩對一桂書詩問安來姑入幽曠味寸

醉草香玉則書味香

吹向水蘇前數日雨對空外田水對野其吹望我何

醉韻

春水遺稿卷四

詩四 藝藩 賴惟完千秋著

男 襄輯校

詩四

甲寅 在藩獲次男

赤寄彥禮東行過府下訪之其館

春風料峭發麋城水驛山關從駕行芳草催裝路千

里梅花下榻月三更雅盟嘗向都門會文旆今於鄉

國迎詩酒無由罄歡去征驂明日奈嚴程

竹中伊織挽詞二首 伊織初稱三郎次為尾道 市尹有政績後陞郡司

美錦令君製褰帷玉浦濱牛刀夫子戲竹馬小兒親
已見遷喬速深期易俗新昊天果何意大疾奪斯人
風流未全盡詞翰足傳神治特旌忠孝學原崇洛閩
閒吟曾諭俗謔語尚憂民誰為國家哭吾非私一人

胡枝花

庭院秋將半胡枝花幾叢含來暮山紫映帶夕陽紅
繁葉灑灑露垂條細細風羞將錦繡色惟我讀書隴

敗荷和弟千祺

荷葉珠為露著花白且紅已遭君子賞不惜萎秋風
春水敗簾底有小片帟記一詩不著題蓋在江戶懷

禮卿作也追錄于此

千里懷人傷客情淒然不睡夜三更寒燈枕上幢幢
影疎雪窓前簌簌聲鴻鯉浮沈書未報關山咫尺夢
空行回頭海內論交道獨有山陽管禮卿

題畫

囊琴何處往未必問鍾期拂石風松下一搗趣自知

乙卯

在藩參校秘書始於此歲時五十

夢姬井仲明

夢渡旭川西遠城芭蕉樹下立春晴主人聞語將開
戶却被鄰雞驀地驚

畫人自得山人遊九國臨別請言

青鞋布韞路三千携筆寫過山又川肥筑故人如問
我當年傲骨軟於綿

次韻岡田君章寄詩答謝

雙柑斗酒舊風流追憶華城當日遊鴻鯉天涯書易
阻鶯花枕底夢空求窓燈枉剪巴山雨講帳高臨泮
水秋聞道庭萱綠如故只能憂國別無憂

題畫

抽簪卧白雲始覺辭塵土枕底聞松風燈前看松雨

寄題古松軒

軒主稱古川平次兵衛備中人長
地理學嘗因官命作房總地圖

辭榮歸去遂幽情澗月溪嵐足舊盟圖畫山河存膽
略蠲疏榛莽樂躬耕桃林春暖同牛卧松樹陰深與
鶴行門外石橋曾不渡為嫌人道入都城

題源廷尉像

湘外凱歌罷蕭牆閱弟兄蒼蠅汙白壁小蟻制長鯨
完聚非相抗逋逃不自明威風遍夷服飲食必稱名
一夢分明見母親吞聲不語淚沾巾
一夢分明見母親吞聲不語淚沾巾
憶吾是五旬君七旬

春風上壽侍慈闈夢裏歡情魁後非菽水何堪風樹

感五更燈底泣萊衣

丙辰 在藩次男痘殤

一 花月歌

月來月下歌花開花下醉有斯月與花不知老將至

畫將奇絕勝寄我契同遊雪瀑千尋壑風花百尺樓

過柁山君脩

江亭去歲月逢雨今歲雨過江月明多謝交情尚仍
舊不同江月有陰晴

過岡田士亨

月離山處大如輪漸上雲衢素影新始識君家有奇
觀秋來莫厭往還頻

丁巳 在藩春草東役付裏從行

學館席上同賦暮春分韻

多雨園林春易闌候晴日暮倚欄干殘紅墜粉催人
老却欲殷勤執燭看

春盡留酌原夫君脩

欲餞江春引友生南軒連榻且稱航階前紅藥纔留
影竹裡黃鸝不惜聲賢聖酒邊言爾志峩洋琴底暢
吾情韶光九十今宵盡深酌休辭到五更

牡丹

錦幄彫欄豪貴家李唐當日競紛華東方別有櫻花
在未許渠儂王百花

學館詩會擬唐人送人還日本

歸心不可住赤日指扶桑受禪輕三代繼天唯一王
李蘓偏戀漢劉阮不忘鄉慎矣波濤險單身度渺茫

雨過定齋

蕭然坐雨讀書亭香鼎茶爐酒一瓶唔語不知天已
晚棕櫚花散滿階庭

訪自然亭

日暮問幽侶城西第一橋山杯如有待涼簟見相招
星漢低秋埜漁篝點夜潮人間苦殘熱此地滌煩囂

閏七月七日夢到海涯望嶽歸路謁

一館公子口占一詩未成而耿耿後遂成之

夢到海涯瞻富山富山高在五雲間歸路攀花上仙
殿富山之壽獻君還

納涼

避暑非無計輕舟二子同水從雲漢瀉橋向月宮通
衣鑿蒹葭露杯傳桂樹風何人弄長笛半夜舞魚龍

蘇大十五夜示諸子

病夫何可耐衣單秋半裝綿已怯寒
玩罷月華深下帳醉人幾處曉凭欄

余讀坂井善夫遊岩鼻記為之神飛遂同諸子
往遊以善夫為導

奇士諳奇境要我涉崔嵬全山石為骨無處不奇哉
虬龍與虎豹步步馴客來稍平成牀榻隨意坐莓苔
且有六甲厨携瓶更抱罍善夫以提子之不韻
遠挈一瓶并杓用之流眄
恣瓌觀留連不識回安得并州刀翦巖一角來

田家雜興

鄰曲慶秋熟租期爭後先牛羊霜樹外橘柚夕陽邊

卒歲非無褐獻公皆有斲稅餘秋社酒一醉樂餘年

雪夜讀書

縱自敝鞭策羸驂安可馳縱自嚴刑戮顏俗安可移
苟不正其本徒爾理亂絲書生獨迂踈讀書何所期
夜來有常課忍睡將忍飢我有分外憂掩卷泣多時
梅花紙帳下三更雪意知燈火昏復明欲滅僅自持

和韻

西山拙齋先生

鳥兔不相待老來倍颺馳嗟余薑桂性夙好未曾
移仰慕心如鐵俯愁髮似絲讀君雪夜什衛道同
襟期欲晤路阻脩殷懷如調飢闢異在防微建言

須及時喜看梅蕊發先向歲寒知勉矣春風力泮
林長護持

采蓮圖

並蒂花何處近在鴛鴦傍欲采采不得恐驚起鴛鴦

戊午

在藩夏杏坪携襄歸冬舉第三男即天是歲世子入封

有客為其藩侯詢庠序方法賦示

君問芹宮事芹誠獻瞽言學須由一統政豈可多門
不盡詩書蘊安知道德尊歸來試廷議自有典刑存

榴花

黃梅五月綠陰滋忽見海榴花滿枝只欲丹心當夏

日豈言紅艷後芳時功名誰許王安石顛倒自甘韓
退之更結水晶千萬粒甘酸未必世人期

弟柔兒襄歸自江戶會諸友小酌

江城五月送梅天屈指歸期日若年吾弟吾兒初稅
駕一觴一詠又開筵夢魂招得池頭句瞻望勞來此
岫篇會客歡忻謀軟脚西窓燭下醉陶然

天下過自然亭

出郭來遊埜水涯樽前喚出玉蝦蟆追隨見得幽人
意能照歸途送到家

南題諸葛武侯像

南陽高卧日西蜀薦賢時三顧寧無報偏安非所期
股肱盡臣節涕泣出王師成敗皆天數精誠千古知
出得又教夢水對秋風知出王師敗鼓鼓與貝舒幽人
天下大謀偏屬君無何妖氛一紛紛出師猶未知成
敗五丈原頭日易曛

八月十三日竹本伯温宅得月字

興情兩不淺迎客醅新發獨奈雲妒月烟霧渺林樾
安能躡雲梯一叩天闕闕主人有仙才擘雲出涼月
歌詞舒窈糾胸宇與天豁自此累數宵幽賞情可竭
天意有陰晴世途多艱脆欲把明淨影換吾塵垢骨

月下憶弟千齡

田廬守舊業汝在故山巒烟水阻非遠填篋逢曷難
夢魂虛共被書札只加餐夜夜一輪月含悽兩地看
曾幾十七夕多賀亭集得蟾字

五夜五處賞江天一玉蟾無夜不皓皓無處不厭厭
贈僧大仙

剝盡心花心豁然寒雲孤木絕纏牽津梁度俗神通
力遊戲問奇文字禪白足乾坤無定所玄談今古有
閑緣勸君家釀醍醐味寂寞窗前對榻眠
十三夜留善夫德卿及家弟賞月得三字

老去苦吟詩味酣秋來連夜夜遊耽相逢之處情非
一不速而來客是三兩歇簾幃深引月風吹天宇四
無嵐祗當幽賞達明且白飯青葛君所諳

陳盡八月廿六日

世子臨泮丁祭禮成恭賦

儲君初就國稅駕直臨黌詩禮趨庭訓茆芹樂泮情
曾經修古典今又值秋丁絲管金颺合衣冠日明
源流沿伊洛陶冶列才英燕飲錫難老光儀喜有成
邦家基已固橋梓綠增榮非獨一時美全知三善并
嗟吾十餘歲侍講在江城一本推惟孝四疆期以貞

緝熙堪主鬯輔翼足和羹皜皜群矇發平平大道亨
應緣毓元德各自獻丹誠頌禱微臣志永言持盛名

題蘇武像

十有九年金鐵腸海風持節牧羶羊渴來不飲匈奴
水嚙雪朝朝拜漢皇
雪窖潛身十九春節旄未肯淅胡塵誰知此牧羶羊
者佗日麒麟閣上人

哭藤田士穆

如何天遽奪斯人城上烟光慘小春 儲幄連年供
保傳鈞臺佗日托經綸思深全德危 明主任重片

言知大臣廿歲辱交肝膈見愧無一事報情親

己未 在藩進秩加祿

夕佳樓六詠

家在紅塵陌塵飛不到門仙凡從此別一躍入桃源
 日氣含朝靄長川橋影橫遙聞車馬響人蹈彩虹行
 橋上人聲絕夜闌三四更端居恣遐眺水月對空明
 知此正西面滿樓得月遲君將攀桂去迨月未盈時
 上下打魚航閒鷗聚且散主人笑不言坐為畫圖看
 岸上夕陽收西窓留客晤捲簾對晚山頂有孤松樹
 邀諸子弟飲宴同賦坐上嵐光翠淙衣時余進

秩祿因及

五色山嵐凝不飛晨昏高映讀書幃翠光新帶 恩
 輝美淙出儒臣逢掖衣

展墓竹原

賜告還桑梓回瞻意易驚漁樵訪陳迹松柏上先塋
 山水雖亡恙悲歡自有情團欒親戚話無夜不鷄鳴

過志帥先生故宅

先生故宅倚山巒墜葉盈階夕照寒只記窓前老松
 樹高標猶似幼時看

春水遺稿卷四終

香木堂蘇卷四終

嶽高巖峻出如音

去主姑字翰山巒壘葉盈韻之朋來只信窓前朱絲

殿志相去主姑字

山水報丁為悲堪自育計團樂賤賤端將奔不歸

賦昔墨桑林同觀意長著為賦指刺致休休上夫墊

風基竹取

聯美亦出帶田致終交

五色山嵐翠不濕晨昏兩變始驚動筆其清書

燈料因風

春水遺稿卷五

春風千卦鸚珠祝國藝藩賴惟完千秋著

男 襄輯校

詩五

庚申

三月東役說書於昌平學

相期刮目豈悲吟把手乞言情亦深鹿洞由來傳教

法鵝湖安得有爭心吾君樂泮欽明德遲汝遷喬

奏好音肄業何唯遵定課研精祗合惜分陰

水墨絲崎作意而嵐嵐各各怪博翻山雲御散紙秋

春及遊和卷五
水墨丹青誰意匠
崑洲各各對新晴
山雲明媚雌雄
鷺海靄依微
大小鱸
去朝上淀川
雲嶂東移汀樹西
溯洄新漲水平堤
春風十里舟行
穩兩岸晴禽引客啼
征路欣逢吟興長
揭篷舟底引晴光
菜花麥浪渚田
裏繹路斜通人雁行

遊嵐山

春風于役緩枉路
過皇州更攬嵯峨勝
且爲汗漫遊
烟霏鐘磬寺花霧
管絃舟雅賞亦恩
遇賦詩夸友儔

人問嵯峨遊狀賦示

欲將春色獻吾君
行到嵐山正十分
愧我新詩寫
不得但看中鳥涿芳氛

望嶽示金子熊介

山關水驛日東行
行到葭原雨亦晴
見得富山真面
目當知男子不徒生

題尾藤志尹家鄉圖

莫道青雲忘故吾
樵情漁思在江湖
某邱某水神遊
足畫出家山夢裡圖

青李館招飲

一區曹舍側別有小書樓因汝以文會慰吾于役憂
荷風動簾入竹露映燈浮笑傲忘賓主居然住十洲

莫敢山王池亭雅集以荷淨納涼時為首句同賦有記

荷淨納涼時高樓會舊知捲簾花氣入澆砌露華滋

葉密疑無水魚跳知是池游觀晚更好斜照滿長陂

山栗假山并序

望栗翁之物也蓋其鄉栗山之栗化而為石其

不辨其形槎枒其質玲瓏真可把玩翁口占栗栗栗

谷然泰山栗化為五劍一二句命余繼之栗山一曰

五劍山云亦賦示

栗栗栗山栗化為五劍一能移千仞山忽在方丈室
鋒鋸割憂愁光芒照卷裘造物似私君非關縮地術

謝柴學士寄桂花枝

玉桂之花開未開連宵陰雨鬱陶哉謝君提斧升蟾

殿斫取一枝投我來

精里泊舟齋招飲約山亦至談熟興酣意甚樂

焉賦呈主人約山時太愛白香山詩因言及之

筆硯相遭共酒卮幾年書札渺天涯因論我志論青

史欲叩君心叩白詩萬里看雲曾恨別半宵聽雨復

佳期尋思津上同窓事半夜燈前話舊時

古賀精里先生

寒盟十載始傳卮祗役迢遙東海涯短夢曾憑千
里面長城猶守五言詩風光一日應須賞兩色中
秋未可期話舊江湖如昨夢小園新趣草生時
同千秋過飲淳風話舊自夏初千秋來此三人
相對未有若今日暢且久因記其喜

尾藤二洲先生

昔日寓津上會文常往來所游固不少三人最相
知分散二十年各在天一涯遠道只神交中懷鬱
難開今歲遇都下屢同掌中杯其樂無限極如鳴

鳥集枝吾交有良緣似游魚在池終日又終夜頻
酌不須辭莫妨醉語顛素心不相疑天意憐人意
晚晴送輕雷明月升簷角照吾兩鬢絲三人年相
若就中我多衰多衰非所嗟老懶奈無為

靜寄軒雅集詩將成熟徒相逼請揮洒日莫僅
來卦得四句率爾書示先衆歸經十餘日又往主人
為出示前稿乃余歸後精里續成後半者皆言
余所欲言而加巧焉余亦有續稿在袖而不及
遠甚因不復出此所錄精里續成者也

相逢曾話舊不日復相逢對酌交情淡聯吟詩味濃

江鳴新漲水天露晚晴峯更約秋齋夜同聽月下蛩

九月講學所詩會同賦聞雁

朱邸霞關畔鳩工黌舍成青衿盍簪日忽聞鴻雁聲
似有兄弟序肅肅相和鳴未為稻梁下直凌霄漢行
來往原有信隨候向南溟大易鴻漸兆足觀羽儀明
小子宜識之微物自有誠可以不如烏德意在育英

揚通老移居圖

僧冷然所索

偕隱屢移山又山四婆何處始怡顏卜鄰應索許由

廟知在雲嵐杳渺間

四婆通老妻田游巖自稱許由東鄰其居在許由廟傍

楊德祖讀碑圖

鬪智莫誇三十里由來明哲是耶非如何能了人間
字不了阿瞞心上機

十月望栗山堂雅集余有幹不能赴諸子分江

流有聲斷岸千尺八字為韻主人見付余尺字

赤壁非陳迹良夜此會客風月隨懷抱幽興無今昔
柴子乃蘇子高風通仙籍携客踞虎豹對尊斟琥珀
逸逸咸既醉忽聞長嘯劃嗟予阻塵事跂望渺咫尺
我願為孤鶴從君終一夕

歲暮感懷

江關水雪感流年往事紛紛總憮然獨有丹心未銷

盡曉窓燈下對陳編

辛酉

為享和元年五月扈從西歸

銅鼓聯句

并序

鼓堀田侯

豐前守

所藏相傳諸葛孔明陣間

所用者不詳何時流傳致此林祭酒與諸子

聯句徵及於余足一聯塞責因合錄于此

嘗聞漢代造親睹我邦傳

衡

自是五兵長宜為百戰

先肇命名金革合成質面腔連

樸

製想蛤鳴日文疑

蠡齧年

業

聲驚怒雷殷號屬卧龍賢

樸

貴重歸群尚

沈埋出兩川

衡

釁痕蠻血古篆飾海雲纏

邦彦

龜兆

攢臍畔蛟腥澁乳邊

樸

誰知武庫物尚在侯家縣

業

幾試漁陽曼轉誇駱越堅

坦

神訶通體完土蝕半匡

穿

衡

霹靂相騰趕籠銅自接聯

惟完

其精曾躍水有

氣亦衝天

楨幹

廣俗元稱寶鄧山豈比錢

憲

三分資

割據八陣導機權

公禮

須與球圖列不隨陵谷遷

至

裏按句傍注名曰業者平井直藏曰坦者佐藤捨藏其他詳於師友志

題畫猫為柴先生

好睡幽人夢易驚憑凌鼠輩漫衡行東鄰一聘狸奴
得十笏書堂夜太平

送銅官大田子耜之大坂

知君奉 命西于役宛若蒼鷹始脫鞴
錨脚一時才可競驥蹄千里志堪酬
花明長柄三义岸柳綠四橋十字流
莫做耽詩孟東野剩分半俸作閒遊

題醉李圖

白髮三千丈何緣如個長應傾酒一斗醉後語尤狂

西嶺餘霞

薩侯鳳鳴樓八咏之一

一層樓上夕陽傾開盡軒窓明又明
起看西山霞萬丈餘暉散漫半天橫

四月廿一日從

駕發江户

以下係西歸

兩師風伯啓君行一洗青天旭日明
更看芙蓉粲如

玉熊旛移處自相迎

前日風雨暴甚

四月薰風滿道塗穿過新樹綠模糊
黃雲處處斜陽遠欲問麥秋年有無
自語日吟登覽郡內必亦難
乍雨乍晴羈旅情松林幾處有鳩鳴
籃輿羞我懶尤甚獨續前宵殘夢行
登富山中天關口歸天宮太古

箱根

山當人面立如屏樹密唯聞澗水聲
倚石試題詩句去雲烟頓自筆端生

巖斑吉原雪戰敗萬山富山東盡天曾晴
高人爲吾

麕斑映日雪嬋娟萬仞富山東海天曾記高人爲吾
說舉頭又舉始看巔

結句即陶齋送吾東遊詩中語

望嶽行示人

會當凌絕頂一覽衆山小壯哉杜少陵志大語尤妙
嗟吾少小誦此言欲登富山叩天闔口嚙天池太古
雪臨瞰羣峭撫兒孫爲官數及後武城東海日從大
麓行陰晴遐邇望已熟自謂已領登覽情何必布韞
與青鞋夏天宿齊事攀躋何必摘星掇日華後仙赫
姬相挈提強慰宿志成畫餅語到勝處如捕影遠望
遙想終非真人生何如踐實境今茲復向嶽下過撫

志歲月忽蹉跎老矣當年登山脚欲往從之奈老何
嶽雲引人成五色峰烟衝天斷且續咫尺可望不可
到決皆盪胸空嘆息還往悠悠二十秋雪色相映已
白頭寄言同行諸年少濟勝有具當早謀

大井川

大井馮夷動易驕行人誰不慮流漂天應寵待吾
公駕水落津頭僅及腰
大井之水稱難度晴雨在天人作憂吾行還識升平
樂穩坐籃輿涉洪流

東江都諸友

自辭江戶有陰晴遙識親朋計我程已踰函關將大
井今朝荒井舍舟行

一從者路傍捕麈生而不日者孱弱不可放
公見而憫焉命畜之

呦呦半夜有哀音應戀舊栖草葉深知否汝遭仁愛
主畜麈便是縱麈心

枇杷寫眺望

上此一層樓遠目窮千里千里無所見唯見田野美
平田如棋枰平楚又如薺遠目不可窮孤鶴冲雲裏

磨鍼嶺口占二首

磨鍼嶺上望山水多秀色八勝稱湖南無人識湖北
百尺一高樓俯吞湖一半比良近可摩竹生坐可玩

過鏡山

古驛迢迢湖水濱連年我感往還頻滿山新綠淨如
鏡愧照宦遊行路人

須磨西濱

風光慘澹海之濤想得當年簫笛音吾愛平門相宴
樂不同鎌府闢墻心

路上

黃梅雨足水泥和見得農家樂意多處處平田人幾

蘇東坡詩集卷五

九

隊薰風吹送插秧歌

過管禮卿席上題畫山水

拂拭衣上塵始知山屋好
花禽娛耳目雲月炤懷抱
後素寫幽情藹然滿輕縞
安棲我其間與松石同老

發西條二首

晨烟籠樹暝朝靄繞山平
渺渺如湖海還聞山鳥鳴
高低萬松樹濤聲襍澗聲
下有一條路騶從成隊行

入城

薰風三百里晴兩日追隨稅駕公
無疾入疆程有期
前驅官道直從衛夕陽遲
兒女汗成雨欣欣拜羽儀

初秋夜偶作

荷香竹氣拂炎氛下榻迎涼浴後巾
月到松巔夜將
午笛聲知有未眠人

十五夕學館賞月分得韻文應

命是夜薄蝕忽復

雖知薄蝕我心紛切恐蟾華不十分
奚計人間值良
夜忽看天上引妖氛白圭磨得終無玷
銀桂攀來故
有薰苦口休嗔玉川子千言絮絮為思君

擬雪後早朝

江天未曙瑞光明積素皚皚映火城
待漏重門珠履
集辟人大道綵輿行雲開山嶺蒼松秀
日出園池白

春水遺稿卷五

鳥鳴獨愧叨恩無寸補空將華髮辱儒名

壬戌八月扈從東役

玉山頽戲贈親兵騎將繁山君君研山名曰玉

山頽以其形似也

玉山頽玉山頽絕代高人醉金罍須臾春風吹忽醒
儼如孤松立巖隈洒然而醒陶然而醉皜皜綵不惹
塵埃繁山夫子愛研山置在華堂杯榼問摩挲呼曰
玉山頽銀燭玲瓏小嶺岫留我勸酒酒亦旨擊節同
稱嵇家美龍章鳳姿人具瞻一時林賢何可比山公
啓事避三舍呂安命駕自千里更有昂然雞羣鶴忠

列千古照青史夫子父子欽高風我亦慕尚欲相同
君謂倘學叔夜醉莫是畫虎狗是似唯是須學叔夜
醒刻鵠不成與鶩類吾願與君屢相逢或爲玉山或
孤松俱期一醉又一醒人間無處不從容

過太田午菴

春酒一瓶茶一鐺留吾歡晤已斜陽階前不掃殘紅
落團聚隨風欲上牀

余喜觀蘭亭帖時或臨摹愛玩之餘摘其字遂

春成五言四韻六首

極目春將暮作斯觴詠遊雖無管絃激自有山林幽

日氣和風朗遊絲映竹流娛期會少長禊事此相脩
春遊信可樂盛集畢時賢天宇爲亭舍風湍是管絃
情懷雖老矣事物自欣然賢者固知足大人自樂天
豈爲遊觀美足視古人賢世事有風浪人文感歲年
山林遇知己風日樂春天俯仰放懷抱無人不快然
春日幽期足山亭此俯臨惠風流水曲和日峻山陰
蘭契無人已風懷有古今暢然觀一世遊迹寄山林
放浪可相樂日長自無事幽致隨幽懷閒遊宜閒地
俯仰觀古今靜躁察品類趣舍安所遇不知老將至
幽閒晤言地嘗感永和春盛作覽當日虛懷契古人

帶風竹爲曲映日水生文流觀可以極樂事自然陳

和滌翁歲首韻

草茅擊壤樂堯天壽福誰如君兩全飲啖兼人猶故
態兒孫遠膝又新年於今庠舍推胡瑗何處名山待
馬遷經術文章皆補世誰言歲月付閒眠

題畫梅

應阿波侯命

窗外槎牙梅一株誰憐曉月影相癯不期天下和羹
用徒著寒花上畫圖

海田至四日市路上 以下係東役

稷稻將登撞吐綿蕎花豆莢滿山田相携老幼拜輿

衛併祝秋收大有年

松子山

松林一條路籃輦似乘船恍疑柁樓底濤聲撼客眠

神邊驛過夕陽村舍主人有詩次韻以謝

從行無那驛程嚴賜告霎時過竹檐忽有前川報津

壅夕陽山色與君瞻

經高槻有感

津北民昏墊漲痕誰不顰懷襄雖已暴撫育豈無仁

水決為池沼地荒如海濱更聞河內害魚腹幾千人

舟到佐屋作

桂梅蘭撓彩鷁舟鼓聲成隊溯秋流松間城堞連迢

浦雲外山峰擁上游扇影風飄翠荇水葵章波皴白

蘋洲重來願得携吟伴垂柳灣頭試釣遊

尾侯棹舟
迎待帷幔

以扇與
葵為號

三島客舍有關羽畫像主人索題

一鞭著鞭髯有神可逐不逐感奸臣精忠千古萬人

敵賽禱愧遭兒女親

箱根

地高函嶺秋光老霜葉渾為錦繡屏憶得去年經過

日滿山新樹畫冥冥

劉淳風見訪

稅駕未旬日高軒忽此過斜陽苔色冷殘雨菊花莎
爲別年雖淺相逢話亦多偏欣文會數宿契在匪佗
嶺寒後赤壁夕栗山堂招飲同二洲寒泉善卿伯彝
一鱸子言以寧文晁賦白川侯贈鱸魚一口古詩
松江鱸膾自侯門云爲騷人充夕餐細鱗巨口猶如
昔風味堪招蘇子魂

席上集赤壁賦內字成一律

飄然獨立慕高風蘇子豈唯詩賦雄孤鶴長鱸興何
盡江風山月樂無窮杯樽遺世主如客友侶同堂西

又東赤壁之遊所共適嘯歌自喜此相從

和韻

柴野栗山先生

對倚歌互答洞簫風遺世初稱一世雄明月山間取
無禁逝波江上怨何窮杯盤狼藉歡將半羽客踰
野躑夢自東孟德周郎顧如彼不妨良夜醉相從
幾麻廣瀨以寧贈詩約山云先生在官如在山一時
傳誦以爲善狀約山平生因用其句次其韻

先生任官如在山豈道鶴書始出山風花烟月到處
在猿鶴不嗔君不還何必青山踐舊約心跡相忘行
藏間紅塵堆裏樂自足素衣不緇駐童顏有酒有書

斷塵慮不知身之在塵寰

畫鶴君何意掛在讀書幃

吟肩鶴與瘦逸志鶴同飛

題花鳥圖

幾歲迎春春可嬉海棠花上鳥啼時

鳥啼花落酣歌裡白盡吾頭不自知

探梅分韻得斜字

探梅出郭二三里不厭江風取路賒

數畝林園鳥啼處一間茅屋水流涯

思人驛使春光遠報客逋仙鶴影斜歸入都門軟塵裡唐花多在賣花家

矣千秋文學見示探梅作云如是而為探梅矣其

聖不尋梅則以為何若也敢步其韻賦得探尋二詩

以乞教不知其合與未也

栗山先生

探春未識春何處村巷林蹊不厭賒

認雪迷來幽谷底聽鶯誤到小橋涯

淡香將待吟風放瘦影應橫落月斜

隔水柴門雙鶴護

生憎遠韻逋仙家

相思逢著瑤臺下不惜十千酒重賒

猶謂怯寒睡粧閣誰知竊暖笑陽涯

同龍卧斜落月橫參牢記在再尋可誤美人家右

梅

尋梅傲栗翁體

梅花尋得如逢友契闊周年月日賒數點分明橫竹
外一枝恰好寄天涯佳人淡月鈿光直高士微風巾
影斜豈與群芳爭殿最品題紙合屬詩家

與求書人

栗山先生

麴生呼醒神初王強作連綿一筆書非擬張顛興來
聖不醉何由驅墨豬

癸亥

在江戶四月解後歸藩

歲首書懷

一宵歲將盡端坐守嚴更嗟我二十歲抗顏辱儒名
東府數往友邸舍十值正壯節客裡老白頭未必驚
承乏勸講久丹心自披呈羞無磨礪力使增 剛德
剛羞無經濟略能得直道情獨持責難志嘗將皦日
盟吾君實崇學初政在脩黷 春秋僅而立逸駕
邈前程子民幾萬萬葵心向 君傾仰願膺萬福安
居道自亨既往與將來沈思對燈檠燈檠曉影薄鷄
鳴鶴亦鳴霞關高塏地天宇一望平虛窗引海日日
輝照微誠

題群音圖

欲問何人見得真百年隨埴奈斯身
張張爭道君休笑吾亦扣槃捫燭人
來來易懽歡懽歡懽懽懽懽懽懽懽懽
霞學席上賦得春禽黃鶯引客去
散步弄春暉行到有花處綿蠻不許歸
過栗山先生邂逅舊識僧天心主人留歡飲酒
甚樂鬪韻得得字
君言半日閑偶爲迎僧得緇素樂新知
我洋對舊識天晴海水明日落富山
黑秉燭更遊敖千金夜一剋

遊梅墅

卧龍名著一村墟
雨後春光屬閨餘
龜井水頭斜照裡
迎人老嫗賣梅諸

小赤壁引贈倉善卿

雪白水蒼一小石
天造扁乎不盈尺
巉絕看如不可攀
凜凜獨立使人肅
高士東遊出羽州
曾自仙洞仙人得
携歸壬戌十月望
適過駿臺視坐客
主人一顧喜如舞
此物飄自天上落
一笑掠取爲己有
高士自言得所託
一毫不怨况敢訴
長嘯高歌洗盞酌
世波渺渺何足問
天爲吾曹與斯樂
今而不樂日月逝
江風明月所共適
一堂之興影蘓子
一石之觀狀赤壁

留別柴先生 以下係西歸

將歸數來訪每訪濫君庖銅鼎煮茶蔬瓦鑪煨竹苞
琴書作良伴風月又佳肴縱使如萍遇安知非石交

和韻

栗山先生

人力病相迎入回頭問宰庖叩樽縱有酒倒度恐無
肴殘豉纔存碟香柑只遺苞幸能歡醉別始可稱
善心交

木曾路作二首

新樹千重合巖隈且水隈溪回路將斷驛馬出雲來
四月岐蘇路逼人山氣淒行過新樹裡轎底杜鵑啼

擬唐伯虎送彥九郎還日本

坐輿無事戲作

絕海飄飄千萬里單身自許慨慷餘波濤持志涉華
域劍佩賜恩朝帝居白髮在堂親老矣丹心誓國汝
歸歟重來倘有東風便為寄焚前古尚書

鴨方過西山士雅故居

晚烟輕抹雨霏霏欲問幽居樹竹圍樽酒猶通問奇
路薜蘿深護讀書扉半生遺草存黃卷三尺新墳倚
翠微偏憶尋君君送我石橋南畔立斜暉

陶淵明

高風自許葛天民安識人間日月新獨愛門前五株

柳青青不改晉時春

秋日郊行

小路過橋橫又斜川原一半浸殘霞
牧童相戲天將夕牛犢歸來自入家

九月廿八日曉夢人跡墨竹十種心甚樂之魁

後賦一絕

老去衣巾混世埃風流心緒未全灰
渭川朝露瀟湘雨昨夜分明入夢來

竹本伯温宅小集同賦分韻

寒光滿目敞蒼穹此夕過君感慨同
楓落繁霜隨杖

屨山含斜日對簾櫳幾回薦疏空
芻狗廿載談經自草蟲獨有梅花相識久當樽春信一番通

木村齋歸自大坂訪之留酌賦謝

聞汝歸來自浪萃幾樽臘酒載金花
三杯恍有曾遊興記得典衣曾自賒

題千祺畫石為禮卿

嗟我弟兄具頑骨畫成頑物寄同人
同人不是寶燕石愛玩應憐頑骨真

春水遺稿卷五終

